



Bentiarq Ottosen

UPA 2026/134-1

Atassut

4. Juni 2026

**Innuttaasut atsiornernik katersinermikkut siunnersuutini Inatsisartuni suliarineqartussanik saqqummiussisarnissaat siunertaralugu Naalakkersuisut aqqissuussinermik pilersitseqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Pipaluk Lynge, Inuit Ataqtigiit)

Atassutip tunngaviusumik naleqartitai tassaapput, Kiffaanngissuseq, Akisussaaqataaneq, Tamat oqartussaaqataanerat kiisalu innuttaasut politikikkut aaliangersaanermi peqataatinneqarluarnissaat. Taamaattumik inuiaqatigiit atsiornernik katersinermikkut Inatsisartunut siunnersuuteqarsinnaatitalernerat tunngaviatigut taperserpaa.

Atassutip isumaa naapetorlugu innuttaasut imaluuniit inuiaqatigiit nipaata tusarneqartariaqartoq oqaatigiuarppaa, inuiaqatigiinnut peqataatsineq tamanit pingaaruteqarmat. Innuttaasut atsiornermi katersinermikkut siunnersuuteqarsinnaalernerat isigineqassaaq tamat oqartussaaqataanerani nukittorsaanikkut, tamanna qulakkeerneqassaaq inuiaqatigiit akornanni pissutsinut Inatsisartuni partiit peqatigalugit oqallinnerit. Tamanna naapertuuppoq oqaatigissallugu inuit oqallinnerulernerat pitsaasumik kinguneqarneranut toqqammavisoq.

Peqatigisaanik Atassutip pingaartippaa inuiaqatigiit akornanni akisussaaffimmik ingerlatsilluni ineriartorneq, oqaatigineqarsinnaavorli inuit nipaata tusaaneqarnerulernerat. Taamaattumik Atassutip soqutigilluinnarpaa politikikkut aqqissuussineq ersarissumik malittarisassaqartariaqarnera nalimmassartariaqartoq aammalu siunnersuutit assigiinngitsut inuiaqatigiit akornanni saqqummiunneqartut piviusorsioortumik suliarineqarsinnaanissaannut periarfissat ersarinnerusumik saqqummiunneqarsinnaanissaat. Soorlu inuiaqatigiit akornanni siunnersuutit innuttaasut atsiornernik katersinermi innuttaasut akornanni tapersersorneqartut kisimik Inatsisartunut saqqummiussinnaaqullugit ingerlatsineq pisariaqartoq, tamanna inuit nipaani ammaasinerussasoq isumaqarpugut.

Atassut aamma isumaqarpoq innuttaasut peqataatinneqarnissaat politikikkut tatiginassusermut iluaqutaassasoq. Innuttaasut tusarneqartutut misigigunik, politikkimik soqutiginninnerat aammalu inuiaqatigiinnut akisussaaqataanerat annertunerulissaaq.

**Atassutip tunngaviusumik isumaa tassaavoq:**

- Inuit nipaata
- Tamat oqartussaaqataanerat annertunerusumik innuttassunik peqataatitsisoq nukittorsarneqassaaq.
- Kiffaanngissuseq akisussaaqataanerlu ataatsimut ingerlaqatigiissapput.



- Inuit atsiornerni katersisut ersarissunik, naapertuunnernik aammalu tatiginartunik malittarisassaqaarnikkut.
- Innuttaasut politikikkut aalajangiinernut qaninnerulesitsineq.

Atassutip politikikkut isiginnittaasia naapertorlugu innuttaasunut aammalu Inatsisartoqaarnikkut tamat oqartussaaqataaneranik nukittorsaasaaq aammalu aaqqissuusinnikkut akisussaaffeqarluni tutsuiginartumik aqutsinermut toqqammavileeqataasasoq isumaqarpoq. Atassutip politikkeraa INUK KIFFAANGISSUSILIK – INUK QITERALUGU. Taamaattumik innuttaasut peqataatinneqassapput, misissuisoqartariaqaanngilarli.

Taama oqaaseqarluta siunnersuuteqartoq isumaqatigaarput, Inatsisinut ataatsimiititaliamut innersuullugu.